

## Weihnachte werreds

Merr merkt, dass longsom Weihnachte werred, weils Geschenke gewwe dut, mett dene merr nimmi gerechend hott. Unn oons vunn dene Geschenke hott uns die Stadt Flerschem gemacht mett dem Parkplatz in de Erzberjer Strooß.

Ei, hott moin ahle Kummbeer Schorsch gesaad, dess hawwe die gut gemacht, weil jetz konnsde vunn dem Norma-Parkplatz doohie dorschfahn, konnst awwer aach vunn de Erzberjer Strooß enoi und nodierlich widder enaus fahn.

Dess iss werklisch gut, habb isch emm Schorsch zugestimmt, ess iss joo aach notwenisch worm, weil uff dem kloone iwwerisch gebliwwene Norma-Parkplatz hotts joo die gons letzt Zeit e mords Dorschenonner gewwe.

Was mich wunnerd, seet de Karl, dass doo immer su vill los ist. Gut, vill vunn dene Autos bleiwe nitt long stieh, weil die Leit nor uff die zwaa Bonke gieh odder im Eldorado e Zeidung kaafe, awwer diejenische, die in de Norma, bei de Aachedokder unn aach in de Buchlade gieh, bei dene duts e bissi länger dauern, unn su long sinn Junge unn aach Alde uff de Parkplatz gefahn, hawwe gesucht unn gedreht unn sinn widder fort.

Isch saach: Merr hott gedenkt, dass meddem Bau vumm Rothaus aach zwaa Heiser in de Erzberjer Strooß gebaut deede werrn, awwer de neie Parkplatz werred joo su long bleiwe misse, wie dess Rothaus gebaut werred und dess werrn zwaa Johr soi.

Also dess war e schee Geschenk vunn de Stadt Flerschem, moont de Schorsch, unn grad habb isch gelese, dass aach die Preise ferrs Wasser nitt verännerd werrn, no ja, dess iss joo koo Geschenk, awwer aach schee. Mol ebbes onnersders: Was dutsen bei eich onn Weihnachte gewwe?

Seet de Karl: Die Fraa unn isch, mir schenke uns schunn e paar Johr nix mieh, mir hawwe alles unn giehn doodeferr liewer onn de Feierdaach mol schee esse.

Isch habb geniggd. Mir mache dess aach, nor unserne Enkel dun merr e bissi Geld uffs Konto schicke, die solle sich selbst was kaafe.

Ja, moont de Schorsch, aach mir mache dess, weil was die Enkel sich heitzedaach kaafe wolle, doodefoo hawwe mir Alde suwiesu koo Ohnung. Unn donn dun merr seit John onn Weihnachte e bissi was spende, es dut joo genuch Leit unn aach su Organisation gewwe, die Geld brauche unn dess aach ordentlich verwende.

Aach de Karl seet: Dess mache mir aach, es dut su vill arme Leit gewwe, dene merr ebbes zukomme losse kann.

Isch saach: Unn aach die Flüchtling, die hier in Flerschem betreut werrn, sinn fruh ferr enn Kuche odder e Fahrrad, was dehoom erumstiehe dut unn nimmi gebraucht werred.

Waaßde, seet de Schorsch, merr hott joo Ängst, dasses ze vill werred mett dene Flüchtling, awwer die jetz emol doo sinn, dene kann merr e bissi helfe.

Ja, seet de Karl druff, ess hott sich schunn seit e paar Johr ebbes geännerd. Doodevor hawwe merr gesaad, Weihnachte iss e Fest ferr die Familie, awwer jetz solls aach e Fest werrn ferr die, die sich nitt su vill leisde kenne wie mir. Merr mächt joo koo groß Reklame mett soine Spende, awwer merr freit sich wenn merr denke dut, dass aach bei dene, die nix mett Weihnachte omm Hut hawwe, dess Gefiehl uffkimmd, mir sinn nitt su alloo im fremme Lond.

Karl, saach isch, dess hosde schee gesaad.

Eiern Honnes,

der eich all scheene Feierdaach unn enn gute Rutsch ins neie Johr winsche dut.